

واويلاه
على السجاد مظلوم
واويلاه
على السجاد مسموم

على افراشه مطروح
دمع عينه مسفوح
وسف زين لعباد
مرد جسمه السم
حزين اعلى لولاد
ويخفي هلونين
وجمر الوجع زاد
يعاين يتاماه
وبالحسره والاه
جفت عينه لرگاد

واويلاه
غضى مولانا مهموم
واويلاه
تصب دمعاته دموم

شبح عينه للموت
خفت منه الصوت
أوسبل أيدييه
وبعد ساعة اوداع
غضى والحزن شاع
وگامت تنادييه
يتامى ونساوين
تهل مدمع العين
من الحسره ترثيه
تنادي الأمل ضاع
لفى وگت لوجاع
مع الوحشه والتيه

واويلاه
بعدكم بحر لغوم
واويلاه
على أمواج لهموم

كئيبه وحزينه
تموج المدينه
من تشوفه مطروح
وكل هاشميه
تون بالعزيه
على مهجة الروح
على زين لعباد
ولا عدها حيله
وزرع بيها لجروح
على افراگه تنوح
فجعهما برحيله

واويلاه
على اللي فارگ اليوم
واويلاه
وخلي افادي مضروم

على المغتسل صار
وسف حامي الجار
جنازة وجيعه
أوصد واعتنى له
يكفنه ويغسله
بدموع الفجيعه
أبو محمد وصاح
يبويه الأمل راح
يركن الشريعه
أثر جامعته بيك
ومگدر أداويك
يروح الوديعه

واويلاه
دهر غدار وميشوم
واويلاه
گلبنا شكتر ملچوم

بيويه الزمن جار	وعاينا بلكدار	يوجه سهامه
ومن مثلك انصاب	بعد موت لحباب	يركن الإمامه
شفتهم مطاعين	بلا راس وچفين	ودمهم علامه
على العبرة عارين	بلا غسل وتچفين	ليوث الكرامه

واويلاد
واويلاد

تهل الدمع مسجوم
وتعاين أهلك تحوم

بيويه هالكبود	اثرها اعلى لزنود	يحمي الحميه
أعاينها وانحب	ودمع عيني منصب	يعظم الرزيه
شكتر والله غاسيت	وبالمحنة عانيت	يخير البريه
مصايب بلا عد	ونوايب بلا حد	عظيمه ودميه

واويلاد
واويلاد

على مصابك يمهموم
غضيت بحسره وغموم

تهاوى لوداعه	ومعظمها ساعه	اعلى بيت النبوه
يشمه ويضمه	يقبله ويلثمه	وكلبه يتلوى
وبس لفه بچفان	سرى موج لحران	ولا عنده سلوى
حمل هالجنازه	وكممل جهازه	ولفت اهله نحوه

واويلاد
واويلاد

وحوله الوادم تحوم
كلبها لجله مألوم

إلى كبره شاله	في هيبه وجلاله	وينادي يزهره
صفك راح براح	بيمه الأبوراح	وزرع بي جمره
غضى يمه مسموم	ولا رحمته الكوم	غضى بأه وحسره
وبس وارى جسمه	سرى بگلبه همه	وهمل لجله عبره

واويلاد
واويلاد

وصبري بعده معدوم
وكلبي بفگده محطوم